

BASES DO CONCURSO DE CARTEIS PARA O FESTIVAL DO VIÑO DA RIBEIRA SACRA.

Primeira

-O Consello Regulador Ribeira Sacra convoca o I CONCURSO DE DESEÑO DE CARTEIS PARA O FESTIVAL DO VIÑO DA RIBEIRA SACRA, co fin de escoller o cartel anunciador do Festival do Viño da Ribeira Sacra de Monforte de Lemos do ano 2017.

Segunda

-Haberá que participar con obras de creación propia, orixinais e inéditas. A técnica e o formato será libre sempre que sexa apta para a reprodución mediante cuatricromía.

-Os deseños deberán incluír o texto FESTIVAL DO VIÑO DA RIBEIRA SACRA os días 14, 15 e 16 de xullo do 2017, distribuído do xeito que escolla o autor/a.

Terceira

-A entrega de orixinais realizarase persoalmente ou por correo na Sede Central do Consello Regulador da Ribeira Sacra en Monforte de Lemos, dende a data da convocatoria ata o 28 de maio de 2017. Non se aceptarán aquelas obras que leven cuño de correos con data posterior.

-As obras non levarán o nome do autor/a de maneira visible e presentaranse nun sobre asinado con pseudónimo, debendo acompañar noutro sobre pechado todos os datos persoais do autor: nome, enderezo postal completo, teléfono e enderezo de correo electrónico.

Cuarta

-Establécese un único premio que será o cartel anunciador e a portada do programa do Festival do Viño da Ribeira Sacra 2017 e dótase cunha cantidade de 1.000 euros, impostos incluídos.

Quinta

-O cartel que reciba o premio quedará en poder do Festival do Viño da Ribeira Sacra. A propiedade intelectual do traballo gañador corresponderá ó/á autor/a, non obstante a concesión do premio levará consigo sobre o traballo gañador a cesión exclusiva e gratuíta en favor do Consello Regulador da Ribeira Sacra de todos os dereitos de reprodución,

distribución, comunicación pública e transformación por calquera modalidade, medio ou formato, incluídos os audiovisuais, os informáticos, os multimedia e os telemáticos. O Consello Regulador da Ribeira Sacra poderá exercer os seus dereitos libremente, sen limitacións de tipo temporal ou territorial, sen que en ningún caso sexa necesaria a autorización do autor, que non terá dereito a ningún tipo de remuneración, percepción, participación, compensación nin indemnización por razón de ese exercicio nin da cesión de dereitos.

-Queda autorizado expresamente o Consello Regulador da Ribeira Sacra para divulgar o traballo gañador na forma e polos medios que considere máis oportunos e poderá exercer os seus dereitos sobre un fragmento ou parte do traballo, podendo adaptalo se fose necesario.

Sexta

-O gañador/a do concurso entregará tamén unha copia do cartel en formato dixital e incluírá os diferentes logotipos facilitados polo Consello Regulador da Ribeira Sacra e se é o caso das entidades patrocinadoras.

Sétima

-O xurado do concurso estará composto por:

UN REPRESENTANTE do Consello Regulador da Ribeira Sacra.

UN REPRESENTANTE do Concello de Monforte de Lemos.

UN REPRESENTANTE dunha das Empresas Organizadoras do evento.

-A decisión do xurado farase pública o 1 de xuño do 2017.

Oitava.

CRITERIOS DE SELECCIÓN E VALORACIÓN	PUNTUACIÓN MÁXIMA
TEMÁTICA E RELACIÓN COA DENOMINACION DE ORIXE RIBEIRA SACRA E A COMARCA	30
MELLOR DESEÑO GRÁFICO	30
TRATAMENTO DAS CORES E TIPO DE LETRAS	20

DIFERENTES USOS DO TEXTO E DAS IMAXES	20
CALIDADE TÉCNICA	20
CALIDADE ARTÍSTICA	20
IMPACTO VISUAL	20
CREATIVIDADE	20
ORIXINALIDADE NO DESEÑO DA MONTAXE	20

Novena

-A participación no Concurso implica a total aceptación das presentes bases. A súa interpretación corresponde exclusivamente ó xurado, o cal poderá deixar deserto o premio establecido. En caso de empate decidirá o voto de calidade o representante do Consello Regulador da Ribeira Sacra.

Decima

-O aboamento do premio será tramitado polo Consello Regulador da Ribeira Sacra, a través dunha transferencia bancaria.

Previamente ao/á gañador/a do concurso seralle requirida a presentación do certificado bancario cun número da conta do titular.

Décima primeira

Contra a resolución definitiva que esgota a vía administrativa, os interesados poderán interpor recurso potestativo de reposición perante a Xunta Directiva do Consello Regulador da Ribeira Sacra no prazo dun mes, se o acto foi expreso ou de tres meses, ou ben directamente o recurso contencioso - administrativo, no prazo de dous meses, perante o Xulgado co Contencioso- Administrativo de Lugo.

Décima segunda

O presente escrito coas Bases do concurso de Carteis para o Festival do Viño da Ribeira Sacra 2017 será presentado ante Notario para certificar a legalidade do mesmo.